



- (١) قالولي قول يا طنطاوي
أنا قلت كيف أقول غناوي
وقلبي عن قلبي غايب
والقلب بات مهموم
أنام واقوم مظلوم
والعشق جوايا عشش
والبعد تعبان بينهش
كيف قلبي شايل حموله
وسري خايف يقوله
وطارحة حنيّه
وانا طمعي تبقي ليّا
من أوضة الذكريات
من بين كل الحاجات
ف اللي انا عملته
والفرجة ع الأموات
- (٢) وشجرة عشقي دبلاته
ومين بالعشق ده بلانا
(٣) نارك ف قلبي لهايب
أخش فيها ما هايب
(٤) وقف الزمن حيران
ف عز السقعة حران
(٥) يا ام العيون فدادين
قالوا الطمع ف الدين
(٦) طلعت حلمي القديم
هو الوحيد اللي شفته
وسألت شيخ إيه حكم ديني
قاللي: يا بني حرام نبش القبور

- (٧) قالوا بنولك ف البحور قصرين ...
واحد تصيف فيه والتاني للشتوية ...
أتاري قلبي والنظر قاصرين ...
هو فيه بيت بيتني ع الميه
(٨) شجرة الطيبين ليه راميه أوراقها ..
دبلاته على أرضها والحزن خناقها ..

لا عاد ليها ضل ولا طارحه غير الوجع ..
ولا عدنا واخدين ... غير طرح أشواكها ..
(٩) عجبني صوتك العالي ف وسط الناس كالليث ..
لبست (شوافتي) لقيتك ما تساويش تلليس ..
أتاري اللي خلق الغباوة ما خلقلها دوى ..
أصل اللي عقله اتلوى تلقاه ملان ترابيس ..
(١٠) خلخال خطر ع القدم ... والكحل زان بعنيه
رجعلى قلبي من عدم ... وغيره ما يعنيه
دوقنى طعم العشق وسقاني من شهده
خلاني لو دقت العسل .. أقول ده مايع ليه